



DEO OPTIMO MAX.
UNI ET TRINO,
VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis decimâ sexiâ
mensis Januarii, anno Domini M. DCC. LXXVII.*

M. BERNARDO DE JUSSIEU, Regi à Consiliis & se-
cretis, Regiæ Scientiarum Academiæ, Regiæque Societatis
Londinensis Socio, & in Horto Regio Botanices Prodemon-
stratore, Doctore Medico, Præside.

An compar animantium & vegetantium perspiratio ?

I.



UEMADMODUM incedens noctu viator per inhos-
pita loca, cautus ac suspensio graditur pede, ne ruat in
præceps; sic animalis œconomix scrutator physicus,
singula sedulo explorat, ponderat, discutit, ut veri-
tatem tenebris involutam detegat. Hinc partium struc-
turam, utrum & relationes aperit; illinc earum actionem tentat evolvere,

A

non quidem semper felici cum successu. Cum autem œconomiae organicae cognitionem novo semper firmet fundamento, certiorque veritatis face collustret rerum inter se mutua collatio; nulli non videbitur perutilis corporis vegetantis cum animali corpore conjuncta consideratio. Nec nova est, nec inaudita hæc veritatis investigandæ methodus, cum jam plurius probata fuerit nonnullis in punctis plantarum cum animalibus analogia. Neque defunt Physici, qui duplex tantum naturale corpus admittunt, alterum nempe organicum, alterum inorganicum; ad posterius mineralia sola, ad prius tum animantia, tum vegetantia referentes. Nonne nascuntur, crescunt, generant & pereunt plantæ? Functiones igitur exercent ab animalium functionibus non absimiles. Ut in his, sic in illis quarundam partium usus adhucdum latet, vel non longo abhinc tempore patuit. Vegetabilis hodiè noscitur perspiratio, noscitur & animalis, ex quo in lucem prodire Sanctorii experimenta & adjectæ Gorterii, Keilii, Dodartii observationes. Hæc functio, secretionum maxima, eorum acuere debet animos qui œconomiae animalis incolumitati præcipuè student & invigilant. Quantum autem in perspirando animal plantæ consentiat, id expositis utriusque organorum fabricâ, actione, secreti humoris naturâ & effectibus patebit.

I I,

PERPETUO fluidi circulantis appulsu irrorantur singulae corporis animalis partes, quarum ex ambitu dimanant subtiliores ejus particulae, perfecta nutritione inutiles. Huic exhalationi famulatur cutis, involucrum universale, poris pertusum infinitis, vasis refertum tenuibus, dilatationis & contractionis vitalis capax, nerveis expansionibus præprimis sensibile, variâque densitate præditum. Cuti superjacet Malpighianum rete, vel effusi muci progenies, vel mucosa forsan & mollior vasorum extremitas quæ aperto ostiolo hiat sub epidermide. Ea quippè exterior corporis membrana tenuissima, pellucens & intensilis, perpetuò renovanda, cæteris partibus & excretoriis præcipuè vasorum poris tutelam præbet quâ retunditur aëris & externorum corporum actio, fovetur eliminatio humoris superflui. Nullæ in organo perspiratorio deprehenduntur glandulae, inutiles quidem ubi nulla fit humoris præparatio per moram, sed simplex tantum ac perennis exhalatio. Serofoe enim sanguinis moleculæ motu circulatorio ad capillaria cutis vasa delatae, jam tenues, denuò dividuntur, sensim decrecentes subeunt

canaliculos, superatisque demùm vasorum ostiolis, trajeciâque epidermide in auras avolant & disperguntur. Effluxum hunc fovet cordis impetus, & innata arteriarum irritabilitas, & intestinus sanguinis motus quo nutritiæ partes ab aquosis excrementitiisque separantur intus referendæ. Aquosam igitur humoris perspiratorii indolem arguere licet ex functione cognitâ, ex autorum experimentis, ex sudore guttatim stillante; cui tamen principia è sanguine elicitâ admiscuntur. Hinc assiduò foetet ruforum & nigritarum perspiratio, quorum etiam indusia lutescente aut nigro tinguntur colore. Hinc putidi ex ægroto corpore vapores emanant cuique morbo, cuique temperamento peculiare. Maximam humoris perspiratorii ad cutem affluxûs quantitatem testantur vasorum & pororum numerus, & experimenta Sanctioriana. Hæc autem non eadem ubique nec in omnibus individuis; sic infantes magis perspirant quam adulti, viri magis quàm fæminæ; sic copiosior æstate & in regionibus calidis exhalatio. Cujus utilitatem quis negabit, cum omnes apprimè noverint humorem eductum per poros esse nutritionis excrementum? Quot verò & quanta à suppressâ perspiratione emergunt incommoda! Nisi enim optimæ sit indolis ipsa perspiratoria materies, nisi lentè gradatimque intus referatur, nisi demùm in partes maximè ipsi convenientes defluat ut renes & alvum; ingentem morborum cattervam secum importabit, lucuosamque corpori perniciem.

III.

NUTRITIUS per vegetantium vasa decurrens succus duplici humorum constituitur specie, alterâ quæ nutrit, alterâ quæ prioris est vehiculum. Viscidior illa, appressa in interstitiis fibrarum, in glandulis deposita, novâ materie solidas dicitur partes; hæc fluidior, factâ nutritione inutilis, imò & quantitate nociva, ob naturam putrescibilem perpetuò renovanda, foràs eliminatur, novâ affluente per radices succorum copiâ. Superflui humoris exitum comprobatur ramulus qui brevi post excisionem fit levior, licet obturato per artem vulnere, & marcescit; citius dum radiis solaribus exponitur, tardius si oleo exitum præpediente obliniantur folia. Plures insuper ramuli pondere æquales, alii foliis induti, alii foliis nudi, eodem immergi vase, inæqualem fluidi imbibunt copiam, majorem nempe foliis induti, minorem nudi, idèò tamen facti ponderosiores quòd hausitam aquam retinuerunt. Ramus alter campanâ tectus vitreâ nebuloso parietes obscurat vapore in guttas faciliè colligendo.

Exhalationis illius organum est plantarum superficies vasculosa & pertusa poris; favet igitur ipsi pororum numerus, & superficiei amplitudo, & tegminis pertusi mollities. Indè minùs perspirat truncus sicco obductus cortice, parè ramuli quibus non ampla superficies, meliùs folia quorum utraque pagina amplior ac extensilis numerosâ impletur pororum serie. Horum quippè petiolus ramulo continuus fasciculum complectitur vasorum, quæ ultrà progrediendo divergunt, distribuuntur in vascula, reticulum efformant complanatum, giris & anastomosis mirè conspicuum, extremisque demùm oris hiant velut ostiola aut pori, sub membranâ duplici reticulum obvestiente. Vasa hæc è radice per truncum & ramulos ad petiolum usque recto decurrentia tramite, paratum in terræ visceribus humorem inspirant & ad omnia plantæ puncta evchunt vi maximâ. Tali pressione succus in tubum stirpi vineræ accommodatum ad quadraginta pedes attollitur, & etiam per poros corii obducentis apicem tubi guttatim effluit. Vis illa, quæcumque sit, verus habetur motus vitalis, quo persistente fluida vasis devescta vitam ubique dispersiuntur, humoris nutritii assusione, partium evolutionem operantur, & demùm ad extremos vasorum poros impulsa foràs eliminantur, attrahente forsân, aut sole, aut aëre externo. Hinc foli & aëri semper obicitur pagina foliorum superior poris exhalantibus præprimis pertusa. Nonne succorum ascensus ab hac attractione pendet? Major quidem est succio ramuli foliis instructi quàm nudi; sed verno tempore vitis nondùm foliis instructa succum exhaurit avidè, quod debitum etiam videtur vi infernæ per veris teporem renovatæ. Verùm in re tam dubiâ sufficiat novisse fluidiorem succi partem ad folia delatam per poros extrâ protrudi actione qualicumque. Hæc aquosa quidem, principiis tamen odoris refertur & indolis succi fit leviter particeps. È balsamico succo balsamicus eruitur vapor, è nocivo nocivus. Hinc deambulatio in horto aromatico salutaris, umbra Mancanillæ & Toxicodendri funesta. Diurna avolantis vaporis quantitas maxima est, non tamen certò definita, cùm ratio habeatur loci, tempestatis, temperici, & etiam temperamentii. Perspirationem promovent vis vitalis aucta, abundantiores succi, liber per vasa defluxus, aëris siccitas & calor; minuunt verò frigus & humiditas, succorum defectus, vasorum oclusio, & vis succionis infirmata. Sed ne quid nimis: non peccat in excessu vel defectu: medium teneat, temporibus semper accommodata: salutari humoris superflui separatione & eliminatione, utili novoque succo locus parabitur.

IN animante & vegetante quolibet tria considerantur; organum continens, fluidum contentum & actio utriusque reciproca, seu motus vitalis. Organum est congeries ritè constituta vasorum, quæ variè in variis partibus ordinata, ad omnes corporis tractus nutritium devehunt humorem. Simplex vegetantium actio simplici indiget structurâ; numerosiores animantis functiones majorem requirunt organismi apparatus. Chylus actione multiplici subactus vasis excipitur lacteis, & per hæmatosim immutatur in sanguinem; succus autem vegetalis à radicibus è terrâ purus elicitur, ultrâ progressurus internâ vi premente. Uterque in motum abreptus, irruens in vasorum parietes, ab iisdem elasticis repulsus, fluendo depuratur, viscidiores dimittit in cellulis particulas, dum fluidæ tunc solutioni minus utiles ad corporum superficiem continuo fluxu protruduntur, forâs amandandæ. Cutis animantium huic perspirationi inserviens, non discrepat à corticali plantarum involucrio superfluum humorem pariter exhalante. In illis extat rete Malpighianum ex innumeris contextum vasculis, mollioribus & quasi mucosis; compar in cortice & foliis textura conspicitur. Utrique reticulo imposita est membrana tenuis, non vasculosa neque sensibilis. Partes illæ perpetuò fluidis irrorantur quæ partim avolant, partim resorpta moleculis viscidioribus nondum depositis immiscentur denuò, novum ipsis concessura vehiculum. Non enim omnis in unico circuito nutritio conficitur, sed iteratâ actione, & recurrente pluriès eodem fluxu. Totius nempe corporis pondus & augmentum sensim absolvitur; impedita in vasis fluida lentè coguntur in solidum, perpetuâque vice excretorum quantitas assumptorum copię respondet. Nam perspiratio æqualis ferè est succioni per vasa lactea & radices, habitâ tamen ratione, & pororum numeri, & superficierum quæ abundantiorē promovent exhalationem: sic Corona folis decies septies plus perspirat quàm homo, quia ampliori superficie instruitur. Ut in athletico viro, sic in vegetâ plantâ uberiorem per poros effluxum explicat vis vitalis aucta; explicat pariter succorum major copia. Eidem exhalationi favet calor relaxans vasa & meatus, æstivo tempore, in regionibus calidis, in balneis, in hortulanorum hypocaustis. Contrâ parcior sit perspiratio ab imminutis vasorum elasticitate vitalique motu; parcior etiam à penuriâ & visciditate succorum, qui tunc rarior decurrunt fluxu aut difficiliori; ab humidâ aëris temperie, cujus minor

attractio ; à frigore nimio vasa & poros constringente. Hinc corpora minus nocte quam die , minus hyeme quam æstate , minus in senio quam in juventute perspirant , nisi stugulis & artificio calore promoveatur exhalatio. Hinc etiam absque novo victu per hyemem integram vivunt animalia quædam , vivunt & perennes plantæ , scilicet ob sufflaminatam foliorum decidentia vel pororum constrictione perspirationem , undè succi retinentur. Modico utuntur victu obesa animalia , rariori indigent irroratione succulentæ plantæ , quia parcius perspirant. Cæteros ejusdem functionis effectus naturales enarrare supervacaneum , utpotè qui ab iisdem pendeant causis & iisdem legibus dimanent.

V.

IN perspirationis organo , materie , functione & effectibus jam patet animantium cum plantis analogia. Confirmabitur etiam relatione morborum ab exhalantis fluidi excessu vel defectu oriundorum. Ab excessu quidem , succorum penuria , acritudo & putrescentia , solidorum siccitas , rigor , vasorum immeabilitas , circulatio impedita , chylosis prava , imperfecta nutritio , aliaque innumera ex eodem fonte mala derivantur. Undè debiliores & ignavi calidarum regionum incolæ ; minus etiam vegetæ plantæ quæ soli æstivo diutius exponuntur , nisi frequens irrigatio deperditi copiam reparet. Defectus autem exhalationis succorum congeriem , stagnationem , densationem , corruptionem producit , plethoram aggerit mali moris , undè incertæ sedis metastases , tumoresque molesti ; emollitis affusione succi fibris , vasorum elaterium obtundit & tonum , circulationem præpedit , cæteras subvertit functiones , & abortum etiam inducit. Sic senum franguntur vires & sensus hebetantur ; denudati pereunt arborum rami , infirmatur in hydropæ vitalis actio ; debilitantur nec florent caules hortensi arte nimium succiferi : undà copiosiori fœtus obruitur in utero ; fructus ex vegetiori arbore labitur immaturus. Hæc vitia perspirationis , eadem cum sint in utroque regno , consimilem certè agnoscunt causam , & hujus exhalationis moderata quantitas vitam & sanitatem constituit , augmentum vel imminutio morbum & mortem infert. Nihil adducit discriminis abnegata vegetantibus irritabilitas , quam supplet elasticitas aucta per vim vitæ vegetabilis : neque objici potest differentia vasculosi vegetantium systematis : licet enim vasa hæc , arteriis non similia , in plantis indivisa procedant à radice ad folium usque , nihilominus succum attenuant , viscidiores à fluidioribus secernunt particulas , nutritium in utriculos infundunt rorem ,

superfluumque ultrà propellunt, per poros egressurum. Vegetalis perspirationis organa quotannis decidunt; serpentes etiam positis exuviis, vere reduce novo tegmine nitent. Certa igitur & inconcussa maet propositi veritas :

Ergò compar animantium & vegetantium perspiratio.

DOMINI DOCTORES DISPUTATURI.

<i>M. Cæsar COSTE , Censor Regius.</i>	<i>M. Joannes - Armandus ROUSSIN DE MONTA- BOURG.</i>	<i>M. Petrus DE LALOVETTE Regii Ordinis Eques.</i>
<i>M. Petrus-Joannes-Claudius MAUDUYT DE LA VA- RENNE, è Regiâ Societate Medicâ Parisiensi pro epi- demiis institutâ.</i>	<i>M. Natalis-Nicolaus MAL- LET.</i>	<i>M. Petrus-Josephus MAC- QUER, Regiâ Scientiarum Academiæ Socius & Cen- sor Regius, &c.</i>
<i>M. Stephanus GROSSIN DUHAUME Chirurgiæ Gallicæ Idiomate Profes- sor designatus.</i>	<i>M. Franciscus - Ludovicus THOMAS D'ONGLÉE.</i>	<i>M. Josephus-Maria-Fran- ciscus LASSONE , Regis ab omnibus Consiliis ; Ar- chiatorum Comes designa- tus , serenissimæ Reginæ Medicus primarius ; è Re- giâ Scientiarum Acade- miâ , Regiâ Societatis Me- dicæ Parisiensis , pro epi- demiis institutâ Inspector & Director perpetuus, Uni- versitatis Medicinæ Mons- pelienfis Doctor aggregatus & honorarius , Regius li- brorum Censor, &c.</i>

Proponebat Parisiis CHRISTOPHORUS-NICOLAUS DE JUSSIEU , Lugdunæns,
Saluberrimæ Facultatis Medicinæ Parisiensis Baccalaureus , Theses Autor. A. R.
S. H. 1777. A SEXTA AD MERIDIEM.